

Predstavljanje aktivnosti Populari udruženja u Briselu - sastanak u Predstavništvu Kantona Sarajevo

Petak, 14 Juni 2013 14:17



U okviru predstavljanja aktivnosti Populari udruženja iz BiH u Misiji BiH u Briselu, u četvrtak, 13. juna 2013 predstavnici udruženja posjetili su i regionalno predstavništvo Kantona Sarajevo u Briselu. Na sastanku je naglašena važnost saradnje institucionalnog i nevladinog sektora te se razgovaralo i o konkretnoj saradnji predstavništva Kantona Sarajevo u Briselu sa organizacijom Populari, posebno u promociji Evropskih vrijednosti u BiH, kvalitetnijeg informisanja građanstva u BiH na lokalnom i regionalnom nivou, o aktelnim koracima procesa EU integracije BiH, konkretnije o mogućnostima i načinima korištenja predpristupnih fondova na lokalnom i regionalnom nivou.

Predstavništvo Kantona Sarajevo ponudilo je mogućnost prezentacije aktuelnih analiza i projekata Populari udruženja prema relevantnim evropskim institucijama i organizacijama u Briselu. Jedino u saradnji sa građanskim udruženjima i nevladinim sektorom možemo postići jače osvještavanje građanstava u Kantonu Sarajevo i BiH kad su u pitanju procesi EU integracija. To je dosta važno jer građanstvo, a time aludiram na lokalni i regionalni nivo vlasti u BiH kao institucionalne predstavnike građana, je to koje na kraju treba da razumije i bude nosioc procesa EU integracija. To od nas traži i EU, koja 65 procenata evropske legislative sprovodi na regionalnom i lokalnom nivou država članica. To se isto očekuje i od BiH, istakao je Elezović na sastanku sa predstavnicima Populari organizacije. Sastanku su prisustvovali Vesna Malenica, politički analitičar, Katarina Cvikel i Ajdin Perčo, istraživači.

